

Poštujući UN Konvenciju o pravima djeteta, te UN Smjernice za alternativno zbrinjavanje djece, a na osnovu člana 58a. stav (1) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17, 28/18, 52/21 i 40/22)

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), ulica Reisa Džemaludina Čauševića broj 1., koje zastupa ministrica Enda Pavić Pečenković

i

Javna ustanova „Kantonalni centar za socijalni rad“ (u daljem tekstu: Kantonalni centar), ulica Gatačka broj 80, Sarajevo, koju zastupa direktor Mahir Delić

i

Predstavništvo strane humanitarne organizacije „SOS-Kinderdorf International“, sa sjedištem u Sarajevu, (u daljem tekstu: SOS Dječija sela BiH), ulica Ahmeda Muradbegovića broj 1c, koje zastupa nacionalni direktor Malik Garibija

U Sarajevu, 28.07.2023. godine potpisuju:

PROTOKOL O SARADNJI

Član 1 (Predmet Protokola)

Predmet ovog protokola je saradnja u oblasti alternativnog smještaja djece bez roditeljskog staranja, u porodični oblik brige u okviru SOS Dječijih sela BiH, između Ministarstva, Kantonalnog centra i SOS Dječijih sela BiH (u daljem tekstu: Potpisnici).

Član 2. (Cilj Protokola)

(1) Cilj Protokola je unaprjeđenje saradnje u Kantonu Sarajevo u oblasti alternativnog smještaja djece bez roditeljskog staranja u okviru SOS Dječijih sela BiH, ostvarenja zajedničkih strateških ciljeva u oblasti podrške djeci iz porodica pod rizikom od razdvajanja, te djeci i mladima kojima je potrebna alternativna briga, kao i u oblasti jačanja stručnih kapaciteta u sistemu socijalne zaštite.

(2) Svrha Protokola je saradnja u cilju osiguravanja najboljeg interesa djece i mladih bez roditeljskog staranja.

Član 3. (Usluge)

SOS Dječija sela BiH će u okviru svoje djelatnosti pružati usluge smještaja djeci i mladima bez roditeljskog staranja u porodični oblik brige koji može biti: SOS porodica, SOS mali porodični dom, SOS program samostalnog življenja uz podršku; te dati podršku u drugim oblastima kao što su:

- Proces deinstitucionalizacije;
- Podrška razvoju hraniteljstva;

- Zagovaranje unaprjeđenja kvaliteta zaštite djece i mladih bez roditeljskog staranja i porodica pod rizikom od izdvajanja djece;
- Učešće u radu relevantnih radnih grupa i drugih tijela na nivou Kantona Sarajevo.

Član 4.
(Cijena usluge)

(1) Ministarstvo od 01.08.2023. godine za uslugu smještaja djece i mladih bez roditeljskog staranja u SOS Dječijim selima BiH uplaćuje 1.000,00 KM (hiljadu konvertibilnih maraka) mjesečno po korisniku smještenom na osnovu rješenja Kantonalnog centra.

(2) SOS Dječija sela BiH će vlastitim naporima, od donacija i iz drugih vlastitih izvora finansiranja, u skladu sa vlastitim mogućnostima, osigurati ostatak sredstava za brigu o djeci i mladima na smještaju.

(3) Isplate džeparca i drugih prava korisnika će se vršiti u skladu sa aktima Ministarstva i nisu predmet ovog Protokola.

Član 5.
(Rješavanje nesporazuma)

(1) Strane potpisnice Protokola će eventualne nesporazume nastojati riješiti u duhu dobre volje, a sve u najboljem interesu djece i mladih bez roditeljskog staranja.

(2) Ukoliko nastali spor ne bude riješen sporazumno, isti će se rješavati pred Općinskim sudom u Sarajevu.

Član 6.
(Ostali vidovi saradnje)

Potpisnici će zajednički djelovati i u drugim procesima transformacije alternativne brige u SOS Dječijim selima BiH i jačanju procesa deinstitutionalizacije brige o djeci bez roditeljskog staranja u Kantonu Sarajevo, kroz aktivnu saradnju i implementaciju novih socijalnih usluga i servisa, što će detaljno definisati posebnim sporazumima, memorandumima i protokolima.

Član 7.
(Potpisivanje memorandumima sa Kantonalnim centrom)

U skladu sa članom 58a. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17, 28/18, 52/21 i 40/22), a shodno ovom Protokolu, Kantonalni centar i SOS Dječija sela BiH moraju imati potpisan memorandum ili protokol o saradnji, u kojem su definisana međusobna prava i obaveze.

Član 8.
(Primjena Protokla)

(1) Protokol se primjenjuje od 01.08.2023. godine do potpisivanja novog protokola ili eventualnog drugačijeg regulisanja usluga koje pružaju SOS Dječija sela BiH kroz zakonske i podzakonske akte.

(2) Danom potpisivanja ovog Protokola prestaje da se primjenjuje prethodni Protokol o saradnji koji je potpisan dana 12.04.2019. godine, kod Ministarstva zaveden pod brojem: 13-35-17341.

(3) Ovaj Protokol sačinjen je u 6 (šest) istovjetnih primjerka od kojih svaka strana potpisnica zadržava 2 (dva) primjerka.

Ministarstvo za rad, socijalnu politiku,
raseljena lica i izbjeglice Kantona Sarajevo

Enda Pavić Pečenковић, ministrica



Broj: 13-11-31627/23

Javna ustanova „Kantonalni centar za socijalni rad“

Mahir Delić, direktor



Broj: 31.03/01-530-754.2/23

Predstavništvo strane humanitarne organizacije
„SOS-Kinderdorf International“, sa sjedištem u Sarajevu

Malik Garibija, nacionalni direktor



Broj: 1076/23